



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

CIV. Commendarum Militiæ SS. Mauritii, & Lazari saciliori erectioni
consulitur. 23. Augusti.

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

1744.

Privilegium sive Indultum; jure ac merito vendendum est, ne isti, dum ita se gerunt, Præbendarum, ac distributionum fructus minimè suos faciant, & consequenter ne ad eorum restitutionem teneantur. Quapropter vestrum erit, Venerabiles Fratres, hæc omnia illis aperire, ut neque Nobis, neque Vobis apud Divinum Judicem fraudi sit, si in hujusmodi re, quæ tanti est momenti, utpote quæ ad ipsius Dei cultum proximè spectat, abusus & corruptelas, quas arguendo & increpando evellere debebamus, dissimulatione ac silentio nostro fovisse & confirmasse inveniamur. Interea Fratritatibus Vestris, quas intimo cordis affectu complectimur, Apostolicam Benedictionem amantissimè impertimur.

Datum Romæ apud S. Mariam Majorem die XIX. Augusti MDCCXLIV. Pontificatus Nostri Anno Quinto.

Dat. die 19.
Aug. 1744.

CIV.

Commendarum Militiæ SS. Mauriti, & Lazari, faciliori erectioni consulitur.

BENEDICTUS EPISCOPUS

SERVUS SERVORUM DEI,

Ad perpetuam rei memoriam.

Proœmium.

FRUCTUOSA Militarium Equestrum Ordinum instituta frequenter experti non minus Prædecessores Nostri Romani Pontifices, quàm universi per Christianum ejus Literas Reges, & Principes, propter eximia tum pietatis, tum bellicæ virtutis opera ab hujusmodi Ordinibus eorumque Militibus, ad Dei gloriam & communem Catholicæ Ecclesiæ utilitatem sæpe patrata, in id certatim curas & studia sua contulerunt, ut pluribus honoribus, prærogativis, privilegiis, ac beneficiis eisdem Ordines, eorumque Professores pro varia temporum opportunitate cumulando, & jugi ipsorum stabilitati, & splendidiori dignitati, & assiduis incrementis consulerent. Quorum Nos vestigiis libenti animo inhaerentes, non præmittimus oblatas quasque occasiones arripere, quibus, per Auctoritatis Nostre favorem, prædictorum Ordinum utilitates & commoda augeri posse intelligimus.

Pius V. concedit, Beneficia de jur. rep. laic. in Commendas Militiæ Sancti Lazari erigi posse.

§. 1. Dudum enim felic. recordat. S. Pius Papa V. Prædecessor Noster per suam perpetuè valituram Constitutionem, quæ incipit, *Sicut bonus Agricola*, super reformatione Militiæ Hospitalis S. Lazari Hierosolymitani, editam sub datum Romæ apud S. Petrum Anno Incarnationis Dominicæ MDLXVII. septimo Kalendas Februarii, Pontificatus sui Anno Primo, inter cetera, quæ pro tempore existentis Magno Magistro Militiæ prædictæ asseruit privilegia, et etiam perpetuè eidem licere concessit, ut ipse videlicet pro tempore existens Magnus Magister, quæcumque, quotcumque, & qualiacumque simplicia dumtaxat Beneficia Ecclesiastica, de Jure patronatus Laicorum ex fundatione & dotatione existentia, & personale servitium in Cathedralibus & Collegiatis non requirentia, (accedente tamen consensu Patronorum, de quorum jribus eis, ut præfertur, ex fundatione & dotatione competentibus, per publica documenta, non autem per alia probationum genera, coram pro tempore existentibus Romani Pontificis Vicario in Urbe in Spiritualibus Generali, & Auditore Causarum Curie Camera Apostolicæ, vocatis interesse habentibus, legitime constaret, & sine præjudicio ea obtinentium, ipsisque dumtaxat cedentibus, vel decedentibus), in Præceptorias, Commendas, Cappellas, aut Ecclesias ipsorum Hospitalis & Militiæ perpetuè erigere &

instituire, dictæque suæ Militiæ perpetuè incorporare, applicare, & appropriare, ac illarum Fundatoribus, & Dotatoribus Jus Patronatus & præsentandi dicto Magistro & Conventui ejusdem Militiæ, vel eorum Deputato, personas idoneas ad Præceptorias, Domos, Cappellas, seu Ecclesias, & Hospitalia hujusmodi pro tempore vacantia, perpetuè præservare, seu etiam reservare, & concedere, & sic a Patronis præsentatos, juxta stabilimenta dictæ Militiæ, minimè requisito Ordinarium Locorum, & quorumvis aliorum consensu, in illis instituire, ac aliàs illa conferre, & de eis providere possent: Ita tamen, quod debitus Divinus Cultus per idoneas personas ab Ordinario approbandas, etiam si dicti Ordinis forent, in eisdem exerceretur. Quodque Confirmatio erectionis, & institutionis Præceptoriarum, Commendarum, Cappellarum, aut Ecclesiarum pro tempore sic erectarum, & illarum incorporationis, applicationis, & appropriationis, necnon Jurispatronatus ad illas reservationis, aut concessionis hujusmodi, si citra Montes hujusmodi Beneficia consistenter, infra quatuor, si verò ultra Montes, infra sex menses, à die quo factæ fuissent, à Sede Apostolica impetrari deberet, aliàs illæ, & inde sequuta quæcumque, nulla, & irrita, nulliusque roboris, vel momenti existerent, ac Beneficia hujusmodi in eorum pristinam naturam restituta esse censerentur, & ab eadem Sede impetrari possent.

§. 2. Postmodum verò ANNO Domini MDLXXII. piæ memoriæ Gregorius Papa XIII. etiam Prædecessor Noster, per quadam ejus Literas incipien. *Christiani Populi*, datas sextodecimo Kal. Octobris Pontificatus sui Anno Primo, aliam sub invocatione S. Mauriti Martyris, & sub Regula Cisterciensi, per univèrsam Christianum Orbem Militiam erexit, cujus suprema Sedes, & Militum Conventus in Sabaudia perpetuè esset, ac in ipsa Militia unum Magistratum Magnum vocandum, supremam ejusdem Militiæ S. Mauriti dignitatem, pro uno Magistro, qui illius caput existeret, certis modo, & forma tunc expressis, Apostolica auctoritate perpetuè instituit, Magistratumque prædictum tunc in humanis agenti Nobili Viro Emmanueli Philiberto Sabaudia Duci, ejusque Successoribus omnibus Sabaudia Ducibus, certis itidem tunc expressis facultatibus attributis, eadem Apostolica auctoritate concessit, & assignavit.

§. 3. Cui quidem Militia S. Mauriti à se ita erectæ, & constitutæ idem deinceps Gregorius Prædecessor, rationabilibus causis, & præcongnitis Ecclesiæ Dei & Christianæ Reipublicæ utilitatibus adductus, per alias suas posteriores Litteras incipientes, *Pro commissa*, Idibus Novembris ejusdem Anni editas, supradictam Militiam Hospitalis S. Lazari jampridem Magistri regimine destitutam, cum illius Magistratu, ac omnibus, & quibuscumque illius Prioratibus, Præceptoris, Hospitalibus, & aliis Beneficiis Regularibus, eorumque membris, fructibus, & Bonis, jribus, & actionibus universis, necnon Ecclesiis, Cappellis, terminis, & pertinentiis quibuscumque ad eandem spectantibus, quæcumque, quotcumque, qualiacumque, & ubicumque essent, salvis tamen, & exceptis quibusdam, dicta Apostolica Auctoritate in perpetuum univit, annexit, & incorporavit; itaut utraque Militia sic, ut præfertur, unita, in posterum Militia Sanctorum Mauriti & Lazari nuncuparetur, ac præfatus Emmanuel Philibertus, & pro tempore existens Sabaudia Dux, Militiæ Sanctorum Mauriti & Lazari Magister perpetuo esset, & appellaretur.

§. 4. Demum recol. mem. Clemens Papa VIII. similiter Prædecessor Noster Anno Domini MDCLII. per suas sub Annulo Piscatoris die nona

1744.

Militia Sancti Mauriti a Greg. XIII. instituta.

Ab eodem univertur Militiæ S. Lazari.

Clem. VIII. confirmat unionem, cum commenda.

Sep-

1744.
nacionePri-
vilegorum.

Septembris expeditas Litteras, incipientes, *Decet Romanum Pontificem*, Unionem de Militia S. Lazari Militiae S. Mauritii hujusmodi a dicto Gregorio Praedecessore, ut praefertur, factam, pari quoque Apostolica Auctoritate confirmavit, & catenus ampliavit, ut nedum una alteri particulariter, vel accessorie, sed ambae invicem aequè principaliter, cum suis respectivè privilegiis, exemptionibus, immunitatibus, libertatibus, praerogativis, praeminentiis, facultatibus, jurisdictionibus, honoribus, favoribus, indulgentiis, indultis, concessionibus, & gratis quibuscumque perpetuò unitæ conferentur, ac ipsarum pro tempore existens Magnus Magister, earumque Conventus Priores, Praeceptores, Milites, Fratres, & Personæ, tum etiam Ecclesiae, Domus, Hospitalia, Prioratus, Praeceptoriae, Loca, Membra, Res, & Bona, illis omnibus & singulis privilegiis, indultis, concessionibus, aliisque praemissis, eorumque usufructu, commodo, & possessione uti, frui, potiri, & gaudere possent, & deberent aequè pariter, absque ulla proferat differentia & distinctione, in omnibus & per omnia, perinde ac si ab exordio institutionis Hospitalis & Militiae S. Lazari, etiam dicta Militia S. Mauritii instituta, & ambae invicem, ac aequè principaliter, & conformi regula, observantia, disciplina, eisdemque legibus, & institutis unitæ, ac privilegia, exemptiones, Indulta, & alia praemissa utrique Militiae specificè, nominatim, conjunctim, indistinctè, & expressè concessa & elargita fuissent: prout in singulis Pii, Gregorii, & Clementis Praedecessorum praedictorum memoratis Litteris latius, & uberius continetur.

Difficultas
erigendi
Commendas
juxta formam à S. Pio
praescriptam.

§. 5. Nuper verò pro parte Carissimi in Christo Filii Nostri Caroli Emmanuelis Sardiniae Regis Illustris, ac Sabaudiae Ducis, & praedictae Militiae Sanctorum Mauritii & Lazari Magni Magistri, Nobis significatum est, supra dictam facultatem Magno Magistro hujusmodi a S. Pio V. Praedecessore praedicto attributam, ut scilicet Beneficia Ecclesiastica simplicia de Jurepatronatus Laicorum, ut praefertur, existentia, in Praeceptorias, Commendas, Cappellas, aut Ecclesias dictae Militiae, juxta formam in laudatis ejusdem S. Pii Praedecessoris Litteris praescriptam, erigere valeat, nunquam ferè ad effectum perducere, & inanem ut plurimum, atque frustraneam manere: Idque ea potissimum de causa, quod ad faciendas in Romana Curia probationes super juribus eorundem Patronorum Laicorum, erectionibus hujusmodi consentientium, (quae scilicet jura eisdem Patronis ex fundatione, & dotatione competere, & quidem per publica documenta, non autem per alia probationum genera, coram pro tempore existentibus Romani Pontificis in Urbe Vicario, & Auditore Causarum Curiae Camerae Apostolicae, vocatis interesse habentibus, secundum praedictam S. Pii Praedecessoris ordinationem, legitimè constare debet), adeò graves expensae ob locorum distantiam plerumque subeundae essent, praesertim in casibus, in quibus oppositores insurgere, & lites desuper in eadem Urbe nostra contestare contingeret; ut per hoc hujusmodi Patronorum animos a voluntate & proposito novas Commendas ejusdem Militiae de Beneficiis hujusmodi erigendi, retrahi & alienari dignoscatur. Propterea ex parte ejusdem Caroli Emmanuelis Regis, ac Sabaudiae Ducis, & Militiae praedictae Magni Magistri, Nobis humiliter supplicatum fuit, ut ejusdem Militiae Sanctorum Mauritii & Lazari commodis & incrementis uberius consulere vellemus, eaque de causa statueret, ut in posterum publica hujusmodi documenta pro verificatione Jurepatronatus, & ad docendum illud ex fundatione, & dotatione competere Patronis Laicis, qui erectioni simpli-

Summarium
precum Pon-
tificis exhibi-
tarum.

cium Beneficiorum Ecclesiasticorum hujusmodi in Commendas praedictae Militiae conferre voluerint, de caetero in partibus coram Nostro & Sedis Apostolicae Nuntio apud ipsum Carolum Emmanuelem Regem, seu pro tempore existentem praedictae Militiae Magnum Magistrum, commorante, vel alio, seu aliis, ut infra, profertur, & ab illis respectivè recipi valeant & admitti, aliaque circa Apostolicam erectionum hujusmodi confirmationem distinctius constituere de benignitate Apostolica dignemur.

§. 6. Nos igitur rationabilibus ejusdem Caroli Emmanuelis Regis, Sabaudiae Ducis, & Militiae praedictae Magni Magistri votis obsecundare, ac ipsius Militiae utilitates promovere cupientes, dictamque concessionem Magno Magistro praedictae Militiae S. Lazari a S. Pio V. Praedecessore, ut praefertur, factam, super facultate erigendi hujusmodi Simplicia Beneficia Ecclesiastica de Jurepatronatus Laicorum existentia, in Praeceptorias, Commendas, Cappellas, aut Ecclesias ejusdem Militiae, accedente Patronorum consensu, & alias juxta formam, continentiam, & tenorem praedictae Constitutionis dicti S. Pii Praedecessoris, ac sub eisdem clausulis, cautelis, limitationibus, & obligationibus in eadem Constitutione contentis & expressis, quas praesentibus Nostri Litteris pro appolitis & repetitis haberi & censi volumus, praeterquam in iis, quae praesentibus adversari conspiciantur, pari Apostolica auctoritate approbantes, & confirmantes; necnon, attentis unione, annexione, & incorporatione utriusque Militiae praedictae, per eosdem Gregorium, & Clementem Praedecessores, ut praefertur, factis, hujusmodi concessionem, & facultatem, etiam quoad Militiam S. Mauritii, quatenus opus sit, specialiter & expressè extendentes, & ampliantes; supplicationibus praedictis inclinatis, quibuscumque Patronis Laicis, quaecumque, quotcumque, & qualiacumque Simplicia Beneficia Ecclesiastica de eorum respectivè Jurepatronatus laicali ex fundatione & dotatione existentia, & personale servitium in Cathedralibus, & Collegiatis Ecclesiis non requirentia, in Praeceptorias, Commendas, Cappellas, aut Ecclesias dictae Militiae Sanctorum Mauritii & Lazari, per dictum Carolum Emmanuelem Regem, & pro tempore existentem Sabaudiae Ducem, & Magnum Magistrum ejusdem Militiae Sanctorum Mauritii & Lazari, in vim facultatis praedictae erigi & institui cupientibus & proponentibus, aut erectioni & institutioni hujusmodi consentire volentibus, ut ipsi in posterum de eorum juribus, eis, ut praefertur, ex fundatione & dotatione competentibus per publica documenta, non autem per alia probationum genera, coram Sedis Apostolicae Nuntio apud Carissimum in Christo Filium Nostrium Carolum Emmanuelem Sardiniae Regem praedictum, ejusdemque in Ducatu Sabaudiae, & Magno Militiae praedictae Magistratu Successores, pro tempore commorante, eoque absente, coram pro tempore existente Archiepiscopo Taurinensi, ambobus verò deficientibus, coram viciniori Episcopo, ad praemissorum effectum, docere & constare facere liberè & licitè possint & valeant, dicta Apostolica Auctoritate, earundem tenore praesentium, perpetuò concedimus & indulgemus; eisdemque pro tempore existentibus Sedis Apostolicae Nuntio, & Taurinensi Archiepiscopo, & Episcopo viciniori, quos Romani Pontificis in Urbe Vicario in Spiritualibus Generali, & Auditori Causarum Curiae Camerae Apostolicae praedictis, quoad hoc subrogamus, per easdem praesentes committimus & mandamus, quatenus idem Nuntius, eoque non existente, Archiepiscopus praedictus, ambobus autem deficientibus, ipse vicinior Episcopus, documenta, & probationes hujusmodi

Pontifex
praefatam
concessio-
nem, unio-
nem, & Pri-
vil. commu-
nicationem
confirmat.

Indulget
probationes
in partibus
expleri. cor-
am Nuntio
Apostolico,
five &c.

1744.

respectivè recipiant, & admittant; Eisque ad præmissorum effectum examinatis, atque recognitis, vocatisque coram se, & auditis omnibus interesse habentibus, super existentia, & qualitate Jurispatronatus hujusmodi, ejusdemque competentia, opportuna decreta, seu sententias interponant; de quibus omnibus ab eisdem gestis, ac de tota serie rei peractæ, quilibet eorum intra quatuor ad summum menses Apostolicam Sedem certiorare teneatur.

Et erectiones commendarum confirmari per Litteras in forma Brevis, five per Decretum.

§. 7. Ubi verò supradictæ Militiæ Magnus pro tempore Magister ad requisitas Commendarum, Præceptoriarum, seu Ecclesiarum, aut Cappellarum, erectiones, earumque Militiæ prædictæ incorporationes, & applicationes, necnon, juxta hujusmodi Judicium a Nobis, ut præfertur, delegatorum & deputatorum, decreta, five sententias, ad jurium patronatus, & præsentandi præservationes, seu etiam reservationes, & concessiones devenerit; volumus, ut infra quatuor Menses, si Beneficia hujusmodi citra Montes confliterint, si verò ultra Montes, infra sex Menses à die quo illæ factæ fuerint, præmissorum omnium confirmatio à Sede Apostolica obtineri debeat; Quam quidem confirmationem per Litteras Apostolicas in forma Brevis, vel etiam per simplex Decretum Congregationis Ven. Fratrum Nostrorum S. R. E. Cardinalium negotiis, & consultationibus Episcoporum & Regularium præpositorum, vel aliorum Concilii Tridentini Apostolica auctoritate Interpretum, expediri posse concedimus & indulgemus: Utque eà demum obtenta, sequutoque illorum, qui Beneficia hujusmodi obtineant, cessu vel decessu, tunc, & non antea, supradictæ Militiæ Magnus Magister, ad Commendarum, seu Præceptoriarum, Cappellarum, Ecclesiarum hujusmodi collationes, & provisiones, atque eorum, qui à Patronis prædictis præsentati fuerint, in eisdem institutiones, juxta stabilimenta dictæ Militiæ, valeat devenire.

Clausula salutaris.

§. 8. Decernentes easdem præsentantes, & in eis contenta hujusmodi, de subreptionis, vel obreptionis, aut nullitatis vitio, seu intentionis Nostræ, vel quocumque alio defectu notari, impugnari, invalidari, in jus vel controversiam revocari, ad terminos juris reduci, aut adversus eas quocumque juris, facti, vel gratiæ remedium impetrari, aut concedi nullo unquam tempore posse, nec sub quibusvis similibus vel dissimilibus gratiarum revocationibus, limitationibus, modificationibus, suspensionibus, aut aliis contrariis dispositionibus etiam à Nobis, vel quibuscumque aliis Romanis Pontificibus successoribus Nostris pro tempore emanatis comprehendere, sed semper & omnino ab illis excepta, & quoties illæ emanabunt, toties in pristinum & validissimum statum restituta, reposita, & plenarie reintegrata, ac de novo etiam sub quacumque posteriori data per prædictum Carolum Emmanuelem, & pro tempore existentem Ducem & Magnum Magistrum eligenda, concessa, validaque, & efficacia fore & esse, ac suos plenarios & integros effectus sortiri, & perpetuò obtinere.

Decretum irritans.

§. 9. Sicque per quoscumque Judices Ordinarios, & Delegatos, & Causarum Palatii Apostolici Auditores, ac Sanctæ Rom. Eccl. Cardinales, etiam de Latere Legatos, Vicelegatos, dictæque Sedis Nuntios in quavis causa, & instantia judicari, & definiti debere, irritumque & inane, si fecus super his à quoquam quavis auctoritate scienter, vel ignoranter contigerit attentari.

Derogationes.

§. 10. Non obstantibus prædicta ejusdem Pii Prædecessoris, aliisque Constitutionibus, & Ordinationibus Apostolicis, necnon utriusque Militiæ prædictæ, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Litteris Apostolicis, quibusvis Con-

ventibus, Militibus, & Personis utriusque Militiæ hujusmodi, sub quibuscumque tenoribus & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis Decretis in genere, vel in specie etiam iteratis vicibus concessis, approbatis, & innovatis. Quibus omnibus, etiam de illis, ac totis eorum tenoribus, specialis, specifica, expressa, & individua mentio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum infererentur, præsentibus pro sufficienter expressis habentes, illis aliis in tuo robore permanens, hac vice dumtaxat, ad præmissorum effectum specialiter, & expressè derogamus, ceterisque contrariis quibuscumque.

1744.

§. 11. Nulli ergo omnino hominum liceat paginam hanc nostrarum Confirmationis, Innovationis, concessionis, ampliationis, derogationis, Statuti, Decreti, & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, & Beatorum Petri, & Pauli Apostolorum ejus se noverit incursum.

Sanctio.

Datum Romæ apud Sanctam Mariam Majorè Anno Incarnationis Dominicæ millesimo septingentesimo quadagesimoquarto, decimo Kal. Septembris, Pontificatus Nostri Anno Quinto.

Dat die 13. Aug. 1744.

D. Cardinalis Passioneus.
J. Datarius.
VISA DE CURIA.
J. C. Boschi.
L. Eugenius.
Registrata in Secretaria Brevium.

Ut in Civitate Senogallienfi tempore Nundinarum diebus Feltis de Præcepto à servilibus Operibus ablineatur: Prorogatur tempus ad dictas Nundinas per alios quinque dies peragendas; Privilegia confirmantur, & ampliantur.

CV;

BENEDICTUS EPISCOPUS

SERVUS SERVORUM DEI.

Ad perpetuam rei memoriam.

PATERNÆ charitatis officium, quo Christiani fideles omnes in Domino complectimur, eorumque felicitati procurandæ spirituali in primis, ac deinde temporali etiam, quantum in Nobis est, studemus, Nos admonet ac stimulat, ut diligentiori studio ac cura ad ea intendamus animum, quæ ad Subditarum in temporalibus Nobis, ac Sedi Apostolicæ Civitatum publicum, & privatum commodum, communemque utilitatem pertinent. Equitatis enim ratio, & justitiæ rectitudo postulat, ut qui sub temporalis Sanctæ Romanæ Ecclesiæ dominio positi ac degentes, superna dispensatione parvitas Nostræ regimini, & gubernio temporali concrediti sunt, & a Nostra Pastoralis sollicitudine bona non solum, quæ ad salutem animarum, sed etiam, quæ ad subsidium, & opem hujus mortalium vitæ sustentandæ interserviunt, certa ac firma fiducia sibi pollicentur, iusta expectatione sua, ac spe in Nobis reposita minime defraudentur; sed abundantius etiam, quam sperant, optata sua, sine ullo tamen spirituali animarum suarum detrimento, consequantur, ut votorum suorum compotes facti, in uberium necessarium copia, omnium bonorum Largitori humiles gratiarum actiones statanter persolvant.

Proemium.

§. 1. Jamdudum, & ab immemorabili tempore in Civitate nostra Senogallienfi celebres

Causæ edent de Constitutionibus.

Nun-